


總集類

總集類



10252

晚唐詩鈔卷第三

李商隱

字義山懷州人開成二年擢進士第校書郎調弘農尉河陽王茂元
柱管鄭亞徐州盧弘正歷表為幕職後補太學博士仍辟東川梓仲
野節度判官府罷客萊陽辛初商隱弱冠時令狐楚奇其少俊深禮
之令與諸子綯等遊終第亦綯為獎薦而茂元與亞皆李德裕黨綯
以商隱就其辟為忘家恩憾之迹繼相屢干之不省竟坎墜以終商
隱博學強記善章奏麗偶繁縟長於律詩尤精咏史與温庭筠段成
式號三十六體自稱玉溪水卷今選各體共一百七十首按商
隱集中情詞居半或有疑其妖艷者觀其自述有云夙聞妙喻常在道
場至于南國妖姬叢華妙妓雖有涉十篇什定不接於風流可使國人
盡保展禽酒肆無疑阮籍斯言不誣何足病也

房中曲

五古

薔薇泣幽素翠帶花錢小嬌郎癡若雲抱日西簾
曉枕是龍宮石割得秋波色玉簾失柔膚但見蒙

晚唐詩鈔卷第三

一

十一

羅碧憶得前年春未語含悲辛歸來已不見錦瑟
長於人今日澗底松明日山頭葉愁到天地翻相
看不相識

無題

八歲偷照鏡長睂已能畫十歲去踏青芙蓉作裙
袂十二學彈箏銀甲不曾卸十四藏六親懸知猶
未嫁十五泣春風背面一作鞦韆下

行次西郊作一百韻

蛇年建丑月我自梁還秦南下大散嶺北濟渭之
濱草木半舒坼不類冰霜晨又若夏苦熱焦卷無



芳津高田長榭櫪下田長荆榛農具棄道旁饑牛
死空墩依依過村落十室無一存存者背面啼無
衣可迎賓始若畏人問及門還具陳右輔田疇薄
斯民嘗苦貧伊昔稱樂土所賴牧伯仁官清若冰
玉吏善如六親生兒不遠征生女事四鄰濁酒盈
瓦缶爛穀堆荆困健兒庇旁婦衰翁舐童孫况自
貞觀後命官多儒臣例以賢牧伯徵入司陶鈞降
及開元中姦邪撓經綸晉公忌此事多錄邊將勲
因令猛毅輩雜牧昇平民中原遂多故除授非至
尊或出倖臣輩或由帝戚恩中原困屠解奴隸厭

肥豚皇子棄不乳椒房抱羗渾重賜竭中國強兵
臨北邊控弦二十萬長臂皆如猿皇都三千里來
往同鵬鷺五里一換馬十里一開筵指顧動白日
煖熱廻蒼旻公卿辱嘲叱唾棄如糞九大朝會萬
方天子正臨軒綵旂轉初旭玉座當祥煙金障旣
特設珠簾亦高褰捋鬚蹇不顧坐在御榻前忤者
死跟履附之昇頂顛華侈矜遞術豪俊相併吞因
失生惠養漸見徵求煩奚寇西北來揮霍如天翻
是時正忘戰重兵多在邊列城遠長河平明揀旗
幟但聞虜騎入不見漢兵屯大婦抱兒哭小婦攀

車轡生小太平年不識夜閉門少壯盡點行疲老
守孤村生分作死誓揮淚連秋雲廷臣例麀怯諸
將如羸奔爲賊掃上陽捉人送潼關玉輦望南斗
未知何日旋誠知開闢久違此雲雷屯逆者問鼎
大存者要高官搶攘牙間謀孰辨臬與鷲千里無
返轡萬車無還轅城空雀鼠死人去豺狼喧南資
竭吳越西費失河源因令右藏庫摧毀惟空垣如
人當一身有左無右邊筋體半痿痺肘腋生臊膻
列聖蒙此耻含懷不能宣謀臣拱手立相戒無敢
先萬國困杼軸內庫無金錢健兒立霜雪腹歎衣

裳單饋餉無過時高估銅與鉛山東望河北爨煙
猶相聯朝廷不假給辛苦無半年行人擢行資居
者稅屋椽中間遂作樓狼藉用戈鋌臨門送節制
以錫通天班破者以族滅存者尚遷延禮數異君
父羈縻如羗零直求輸赤誠所望大體全巍巍政
事堂宰相厭八珍敢問下執事今誰掌其權瘡疽
幾十載不敢抉其根國威賦夏重人稀役彌繁近
年牛醫兒城社夏板緣盲目把大旆處此京西藩
樂禍忘怨敵樹黨多狂狷生爲人所憚死非人所
憐快刀斷其頭列若猪牛懸鳳翔三百里兵馬如

黃巾夜半軍牒來屯兵萬五千鄉里駭供億老少
相扳牽兒孫生未孩棄之無慘顏不復議所適但
欲死山間爾來又三歲甘澤不及春盜賊亭午起
問誰多窮民節使殺亭吏捕之恐無因咫尺不相
見旱久多黃塵官健腰佩弓自言為官巡常恐值
荒迥此輩還射人媿客問本末願客無因循鄧鳩
抵陳倉此地忌黃昏我聽此言罷冤憤如相焚昔
聞舉一會羣盜為之奔又聞理與亂繫人不繫天
我願為此事君前剖心肝叩額出鮮血滂沱污紫
宸九重黯已隔涕泗空沾唇使典作尚書廝養為
將軍慎勿道此言此言未忍聞

驕兒詩

衮師我驕兒美秀乃無匹文葆未周晬固已知六
七四歲知姓名眼不識梨栗交朋頗窺觀謂是丹
穴物前朝尚器貌流品方第一不然神仙姿不爾
燕鶴骨安得此相謂欲慰衰朽質青春妍和月朋
戲渾甥姪繞堂復穿林沸若金鼎溢門有長者來
造次請先出客前問所須含意不吐實歸來學客
面闔闔也一作闔敗秉翁笏或謔張飛胡或笑鄧艾吃豪
鷹毛崩劣猛馬氣佶僮截得青篋當騎走恣唐突

忽復學參軍按聲喚蒼鶻又復紗燈旁稽首禮夜
佛仰鞭骨蛛網俯首飲花蜜欲爭蛟蝶輕未謝枿
絮疾階前逢阿姊六甲頗輸失疑走弄香奩拔脫
金屈戌抱持多反側威怒不可律曲躬牽窗網咯
唾拭琴漆有時看臨書挺立不動膝古錦請裁衣
玉軸亦欲乞請翁書春勝春勝宜春日芭蕉斜卷
牋辛夷低過筆翁昔好讀書懇苦自著述顛顛欲
四十無肉畏蚤虱兒慎勿學翁讀書求甲乙穰苴
司馬法張良黃石術僂爲帝王師不假夏織悉况
今西與北羗戎正狂悖誅赦兩未成將養如痼疾
兒當速成大探雛入虎窟當爲萬戶侯勿守一經
裘

李肱所遺畫松詩書兩紙得四十韻

萬草已涼露開圖披古松青山徧滄海此樹生何
峰孤根邈無倚直立撐鴻濛端如君子身挺如壯
士冒膠枝勢夭矯忽欲蟠拏空又如驚螭走默與
奔雲逢孫枝擢細葉旖旎孤裘茸鄒顛蓍髮軟麗
姬斜黛濃視久眩目睛倏忽變輝容竦削正稠直
婀娜旋敷峯又如洞房冷翠被張穹窿亦若暨蘿
女平旦粧顏容細疑襲氣毋猛若爭神功燕雀固

寂寂霧露常衝衝香蘭媿傷暮碧竹懸空中可集
呈瑞鳳堪藏行雨龍淮山桂偃蹇蜀郡桑重童枝
修亮杪脆靈氣何由同昔聞咸陽帝近說嵇山儂
或著佳人號或以大夫封終南與青都煙雨遙相
通安知夜夜意不起西南風美人昔清興重之猶
月鍾寶笥十八九香緹千萬重一旦鬼瞰室稠疊
張繻量赤羽中要害是非皆忽忽生如碧海月死
踐霜郊蓬平生握中玩散失隨奴僮我聞照妖鏡
及與神劍鋒寓身會有地不爲凡物蒙伊人秉茲
圖顧盼擇所從而我何爲者開懷捧靈蹤報以漆
鳴琴懸之眞珠櫳是時方暑夏座內若嚴冬憶昔
謝四騎學仙王陽東千株盡若此路入瓊瑤宮口
詠玄山一作雲歌手把金芙蓉濃藹深窈袖色映琅玕
中悲哉隋世網去之若遺弓形鬼天壇上海日高
瞳瞳終期紫鸞歸持寄扶桑翁

無愁果有愁曲北齊歌

七古

東有青龍西白虎中含福星包世度玉壺渭水笑
清潭鑿天不到牽牛處麒麟踏雲天馬犍牛山撼
碎珊瑚聲秋娥點滴不成淚十二玉樓無故釘推
煙唾月拋千里十番紅桐一行死白楊別屋鬼迷

人空嗚暗記如蠶紙日暮西風牽短絲血凝血散
今誰是

燕臺詩四首

春

風光冉冉東西陌幾日嬌魂尋不得蜜房羽客類
芳心冶葉倡條徧相識暖藹輝遲桃樹西高鬟立
共桃鬟齊雄龍雌鳳杳何許絮亂絲繁天亦迷醉
起微陽若初曙映簾夢斷聞殘語愁將鐵網罨珊
瑚海濶天翻迷處所衣帶無情有寬窄春烟自碧
秋霜白研丹擘石天不知願得天牢鑰寃魄爽羅
委篋單綃起香肌冷襯瑤瑤佩今日東風自不勝
化作幽光入西海

夏

前閣雨簾愁不卷後堂芳樹陰陰見石城景物類
黃泉夜半行郎空拓彈綾扇喚風闌闔天輕幃翠
幕波洄旋蜀魄寂寞有伴未幾夜瘴花開木絲桂
宮流影光難取媯薰蘭破輕輕語直教銀漢隨懷
中未遣星妃鎖來去濁水清波何異源濟河水清
黃河渾安得薄霧起細裙手接雲駢呼大君

秋

月浪衡

一作衡

天天宇濕涼蟾落盡疎星入雲屏不動

掩孤頰西樓一夜風箏急欲織相思花寄遠終日
相思却相怨但聞北斗聲迴環不見長河水清淺
金魚鑊斷紅桂春古時塵滿鴛鴦茵堪悲小苑作
長道玉樹未憐亡國人瑤琴悵悵藏楚弄越羅冷
薄金泥重簾鈞鸚鵡夜驚霜喚起南雲繞雲夢雙
瑞丁丁聯尺素內記湘川相識處歌唇一世銜雨
看可惜馨香手中故

冬

天東日出天西下雌鳳孤飛女龍寡青溪白石不

晚唐詩鈔卷第三

八

十七七

相望堂中遠甚蒼梧野凍壁霜華交隱起芳根中
斷香心死浪乘畫舸憶蟾蜍月娥未必嬋娟子楚
管蠻絃愁一槩空城罷舞腰支在當時歡向掌中
銷桃葉桃根雙姊妹破鬟矮隨凌朝寒白玉燕釵
黃金蟬風車雨馬不持去蠟燭啼紅怨天曙

河陽詩

黃龍搖溶天上來玉樓影近中天臺龍頭瀉酒客
壽盃主人淺笑紅玫瑰桴澤東來七十里長溝複
塹埋雲子可惜秋眸一縷光漢陵走馬黃塵起南
浦老魚腥古涎真珠密字芙蓉篇湘中寄到夢不

到衰容自去拋涼天憶得鮫絲裁小卓蛺蝶飛迴
木繇薄綠綉笙囊不見人一口紅霞夜深嚼幽蘭
泣露新香死畫圖淺縹松溪水楚絲微覺竹枝高
半曲新辭寫繇紙巴西夜市紅守宮後房點臂斑
斑紅堤南渴雁自飛久蘆花一夜吹西風曉簾串
斷蜻蜒翼羅屏但有空青色玉灣不釣三千年蓮
房暗被蛟龍惜濕銀注鏡井口平鸞釵映月寒錚
錚不知桂樹在何處仙人不下雙金莖百尺相風
插重屋側近媽紅伴柔綠百勞不識對月郎湘竹
千條為一束

無題

何處哀箏隨急管櫻花永巷垂楊岸東家老女嫁
不售白日當天三月半溧陽公主年十四清明暖
後同墻看歸來展轉到五更梁間燕子聞長歎

韓碑

元和天子神武姿彼何人哉軒與羲誓將上雪列
聖耻坐法宮中朝四夷淮西有賊五十載封狼生
驅羈生羆不據山河據平地長戈利矛日可麾帝
得聖相相曰度晏子春秋
仲尼聖相賊斫不死神扶持腰懸相
印作都統陰風慘淡天王旗愬武古道作牙爪儀

曹外郎載筆隨行軍司馬智且勇十四萬衆猶虎
貔入蔡縛賊獻太廟功無與讓恩不訾帝曰汝度
功第一汝從事愈宜為辭愈拜稽首蹈且舞金石
刻畫臣能為古者世稱大手筆此事不繫於職司
當仁自古有不讓言訖屢頷天子願公退齋戒坐
小閣濡染大筆何淋漓點竄堯典舜典字塗改清
廟生民詩文成破體書在紙清晨再拜鋪丹墀表
曰臣愈昧死上詠神聖功書之碑碑高三文字如
手一作斗負以靈螯蟠以螭句奇語重喻者少讒之天
子言其私長繩百尺拽碑倒蒼沙大石相磨治公

之斯文若元氣先時已入人肝脾湯盤孔鼎有述
作今無其器存其辭嗚呼聖皇及聖相相與烜赫
流淳熙公之斯文不示後曷與三五相攀追願書
萬本誦萬過口角流沫右手胝傳之七十有二代
以為封禪玉檢明堂基

楚宮

五律

複辟交青鑱重簾拄紫繩如何一柱觀不礙九枝
燈扇薄常規月釵斜只鏤冰歌成猶未唱秦火入
夷陵

陳後宮

茂苑城如畫闔門瓦欲流還依水光殿夏起月華
樓侵夜鸞開鏡迎冬雉獻裘從臣皆半醉天子正
無愁

晚晴

深居俯夾城春去夏猶清天意憐幽草人間重晚
晴併添高閣迥微注小窗明越鳥巢乾後歸飛體
夏輕

春宵自遣

地勝遺塵事身閒念歲華晚晴風過竹深夜月當
花石亂知泉咽苔荒任徑斜陶然恃琴酒忘却在

山家

春深脫衣

暝晚江鴉集堂皇海燕過減衣憐蕙若展帳動煙
波日烈憂花甚風長柰柳何陳遵容易學身世醉
時多

訪秋

酒薄吹還醒樓危望已窮江臯當落日帆席見歸
風煙帶龍潭白霞分鳥道紅殷懃報秋意只是有
丹楓

所居

窗下尋書細溪邊坐石平水風醒酒病霜日曝衣
輕雞黍隨人設蒲魚得地生前賢不無謂容易卽
遺名

春遊

橋峻班駝疾川長白鳥高煙輕唯潤柳風濫欲吹
桃徙倚三層閣摩挲七寶刀庾郎年最少青草妬
春袍

雜思

氣盡前溪舞心酸子夜歌峽雲尋不得溝水欲如
何朔雁傳書絕湘篁染淚多無由一作見顏色還自

晚唐詩鈔卷第三

十二

十干詩寫

託微波

無題

含情春晚一作院晚暫見夜闌干樓響將登怯簾烘欲
過難多羞釵上燕真愧鏡中鸞歸去橫塘曉華星
送寶鞍

無題

照梁初有情出水舊知名裙衩芙蓉小釵茸翡翠
輕錦長書鄭重看細恨分明莫近彈碁局中心最
不平

商於新開路

六百商於路崎嶇古共聞蜂房春欲暮虎奔日初
曠路向泉間辨人從樹杪分夏誰開捷徑速擬上
青雲

寒食行次冷泉驛

歸途仍近節旅宿倍思家獨夜三更月空庭一樹
花介山當驛秀汾水遶關斜自怯春寒苦那堪禁
火賒

淮陽路

荒村倚廢營投宿旅魂驚斷雁高仍急寒溪曉夏
清昔年嘗聚盜此日頗分兵猜貳誰先致三朝事

晚唐詩鈔卷第三

十三

十千詩鳥

始平

九月於東逢雪

舉家忻共報秋雪隨前峰嶺外他年憶於東此日
逢粒輕還自亂花薄未成重豈是驚離鬢應來洗
病容

桂林路中作

地暖無秋色江晴有暮暉空餘蟬嘒嘒猶向客依
依村小犬相護沙平僧獨歸欲成西北望又見鷓
鴒飛

桂林

城窄山將壓江寬地共浮東南通絕域西北有高樓
樓神護青楓岬龍移白石湫蛛鄉竟何禱簫鼓不
曾休

昭郡

桂水春猶早昭川日正西虎當官路鬪猿上驛樓
啼繩爛金沙井松乾乳洞梯鄉音吁可駭仍有醉
如泥

思賢頓

內殿張絃管中原絕鼓鼙舞成青海馬鬪殺汝南
雞不見華胥夢空聞下蔡迷宸襟他日淚薄暮望

賢西

晚唐詩鈔卷第二

十四

十干詩易

夜出西溪

東府憂春盡西溪許日曛月澄新漲水星見欲銷
雲柳好休傷別松高莫出羣軍書雖倚馬猶未當
能文

寓目

園桂懸心碧池蓮飲眼紅此生真遠客幾別卽衰
翁小幌風煙入高窗霧雨通新知他日好錦瑟傍
朱櫳

夜飲

卜夜容衰髻開筵屬異方燭分歌扇淚雨送酒船
香江海三年客乾坤百戰場誰能辭酌酌淹卧劇
清漳

訪隱

路到層峰斷門依老樹開月從平楚轉泉自上
方來薤白羅朝饌松黃暖夜杯相畱笑孫綽空解賦
天台

河清與趙氏昆季讌集得擬杜工部

勝槩殊江右佳名逼渭川虹收青嶂雨鳥沒夕陽
天客鬢行如此滄波坐眇然此中真得地漂蕩釣

晚唐詩抄卷第三

十五

十千詩集

魚船

五六一作歲月行
如此江湖坐渺然

喜舍弟義叟及第上禮部魏公

國以斯文重公仍內署來風標森太華星象逼中
台朝滿遷鶯侶門多吐鳳才寧同魯司寇唯鑄一
顏回

崔處士

真人塞其內夫子入於機未肯投竿起唯歡負米
歸雪中東郭履堂上老萊衣讀徧先賢傳如君事
者稀

令狐舍人說昨夜西掖翫月因戲贈

昨夜玉輪明傳聞近太清涼波衝碧瓦曉暈落金
莖露索秦宮井風絃漢殿箏幾時緜竹頌擬薦子
虛名

寄羅劭興

棠棣黃花發忘憂碧葉齊人閒微病酒驚重遠嘆
泥混沌何由鑿青冥未有梯高陽舊徒侶時復一
相携

又哭劉司戶蕡

離居星歲易失望死生分酒甕疑餘桂書籤冷舊
芸江風吹雁急山木帶蟬曛一叫千迴首天高不
為聞

月

池上與橋邊難忘復可憐簾開最明夜簾卷已涼
天流處水花急吐時雲葉鮮姮娥無粉黛只是逞
嬋娟

詠雲

捧月三更斷藏星七夕明纔聞飄迴路旋見隔重
城潭暮隨龍起河秋壓雁聲只應唯宋玉知是楚
神名

細雨

瀟灑傍迴汀依微過短亭氣涼先動竹點細未開
萍稍促高高鶯微疎的的螢故園煙草色仍近五
門青

柳

動春何限葉撼曉幾多枝解有相思苦應無不舞
時絮飛藏皓蝶帶弱露黃鸝傾國宜通體誰來獨
賞眉

垂柳

娉婷小苑中婀娜曲池東朝佩皆垂地仙衣盡帶
風七賢寧占竹三品且饒松腸斷靈和殿先皇玉

座空

牡丹

壓逕復緣溝當窗又映樓終銷一國破不啻萬金
求鸞鳳戲三島神仙居十洲應憐萱草淡却得號
忘憂

越燕二首

上國社方見此鄉秋不歸為矜皇后舞猶着羽人
衣拂水斜紋亂銜花片影微盧家文杏好試近莫
愁飛

將泥紅蓼岸得草綠楊村命侶添新意安巢復舊

痕去應逢阿母來莫害皇孫記取丹山鳳今為百
鳥尊

蝶

飛來繡戶陰穿過畫樓深重傳秦臺粉輕塗漢殿
金相兼唯柳絮所得是花心可要凌孤客邀為子
夜吟

蟬

本以高難飽徒勞恨費聲五更疎欲斷一樹碧無
情薄宦稷猶泛故園蕪已平煩君最相警我亦舉
家清

晚唐詩鈔卷第三

十一

十千詩

晚唐詩鈔卷第三

晚唐詩鈔卷第四

李商隱詩二

獨居有懷

五言排律

麝重愁風逼羅疎畏月侵怨魂迷恐斷嬌喘細疑
沉數急芙蓉帶頻抽翡翠簪柔情終不_{一作未達}遷_遙妬
已先深浦冷鴛鴦去園空蛺蝶尋蠟花長遞淚箏
柱鎮移心覓使嵩雲暮迴頭灞岸陰只聞京葉院
露井近寒砧

擬意

悵望逢張女遲迴送阿侯空看小垂手忍問大刀

晚唐詩鈔卷第四

一

十千詩鳴

頭妙選茱萸帳平居翡翠樓雲屏不取暖月扇未
障羞上掌真何有傾城豈自由楚妃交薦枕漢后
共藏鬪夫向羊車覓男從鳳穴求書成袂襖帖唱
殺畔牢愁夜杵鳴江練春刀解石榴象牀穿幘網
犀帖釘窗油仁壽遺明鏡陳倉拂綵球真防舞如
意佯蓋臥筵篋濯錦桃花水濺裙杜若洲魚兒懸
寶劍燕子合金甌銀箭摧搖落華筵慄去畱幾時
銷薄怒從此抱離憂帆落啼猿峽樽開畫鷁舟急
絃腸對斷剪蠟淚爭流驛馬誰能帶金蟲不復收
銀河撲醉眼珠串咽歌喉去夢隨川後來風貯石

尤蘭叢銜露重榆筴點星稠解佩無遺跡凌波有
舊遊曾來十九首私識詠牽牛

夜思

銀箭耿寒漏金釭凝夜光綵鸞空自舞別燕不相
將寄恨一尺素含情雙玉璫會前猶月在去後始
宵長往事經春物前期託報章永令虛粲枕長不
掩蘭房覺動迎猜影疑來浪認香鶴應聞露警蜂
亦為花忙古有陽臺夢令多下蔡倡何為薄冰雪
消瘦滯非鄉

鏡檻

晚唐詩鈔卷第四

二

十干寺烏

鏡檻芙蓉入香臺翡翠過撥弦驚火鳳交扇拂天
鵝隱忍陽城笑喧傳郢市歌仙眷瓊作葉佛髻鈿
為螺五里無因霧三秋只見河月中供藥剌海上
得綃多玉集胡沙割犀留聖水磨斜門穿戲蝶小
閣鎖飛蛾騎檐侵羈卷車帷約慙鉞傳書兩行雁
取酒一封駝橋迥涼風壓溝橫夕照和待烏燕太
子駐馬魏東阿想像鋪芳縵依稀解醉羅散時簾
隔露臥後幕生波梯穩從攀桂弓調任射莎豈能
拋斷夢聽鼓事朝珂

永樂縣所居一草一木無非自栽今春悉

已芳茂因書卽事一章

手種悲陳事，心期翫物華。
柳飛彭澤雪，桃散武陵霞。
枳嫩棲鸞葉，桐香待鳳花。
綬藤縈弱蔓，袍草展新芽。
學植功雖倍，成蹊跡尚賒。
芳年誰共翫，終老邵平瓜。

商於

商於朝雨霽，歸路有秋光。
背塢猿收果，投巖麝退香。
建瓴真得勢，橫戟豈能當。
割地張儀詐，謀身綺季長。
清渠州外月，黃葉廟前霜。
今日看雲意，依依入帝鄉。

晚唐詩鈔卷第四

三

十干寺

戲贈張書記

別館君孤枕，空庭我閉關。
池光不受月，野氣欲沉山。
王荆公曰：二語雖杜少陵無以過。星漢秋方會，關河夢幾還。
危絃傷遠道，明鏡惜紅顏。
古木含風久，平蕪盡日閒。
心知兩愁絕，不斷若循環。

酬別令狐補闕

惜別夏仍半，迴途秋已期。
那修直諫草，更賦贈行詩。
錦段知無報，青萍肯見疑。
吾生有通塞，公等繫安危。
警露鶴辭侶，吸風蟬抱枝。
彈冠如不問，又到掃門時。

送千牛李將軍赴闕五十韻

照席瓊枝秀當年紫綬榮班資古直閣勳伐舊西
京在昔王綱紊因誰國步清如無一戰霸安有大
橫庾內豎依憑切凶門責望輕中台終惡直上將
夏要盟丹陛祥煙滅皇闈殺氣橫喧闐衆狙怒容
易八蠻驚禱杌寬之久防風戮不行素來矜異類
此去豈親征捨魯眞非策居邠未有名曾無力牧
御寧待兩師迎火箭侵乘石雲橋逼禁營何時絕
刁斗不夜見攙搶屢亦聞投鼠誰其敢射鯨世情
休念亂物議笑輕生大鹵思龍躍蒼梧失象耕靈

晚唐詩鈔卷第四

四

十干寺

衣沾媿汗儀馬困陰兵別館薰酷深宮蠟焰明
黃山遮舞態黑水斷歌聲縱未移周鼎何辭免趙
坑空拳轉闕地數板不沉城且欲憑神筭無因計
力爭幽囚蘇武節弃市仲由纓下殿言終驗增埤
事早萌先時桑道茂
請修奉天城蒸雞殊減膳屑麴異和羹否極時
還泰屯餘運果亨流離幾南度倉卒得西平神鬼
收昏黑姦兇首去聲滿盈官非督護貴師以丈人貞

覆載還高下寒暄急改夏馬前烹莽卓壇上挹韓
彭危蹕三才正廻軍六合晴此時唯短劍仍世盡
雙旌顧我猶羣從逢君歎老成慶流歸嫡長貽厥

在名卿隼擊須當要鵬搏莫問程趨朝排玉座出
位泣金莖幸藉梁園賦叨蒙許氏評中郎推貴婿
定遠重時英政已標三尚人今佇一鳴長刀懸月
魄快馬駭星精披豁慚深眷睽離動素誠蕙畱春
晚晚松待歲崢嶸異縣期迴雁登時已飭鯖去程
風刺刺別夜漏丁丁庾信生多感楊朱死有情絃
危中婦瑟甲冷想夫箏會與秦樓鳳俱聽漢苑鶯
洛川述曲沼煙月兩心傾

殘雪

旭日開晴色寒空失素塵遶牆全剝粉傍井漸銷

晚唐詩鈔卷第四

五

十于寺

銀刻獸摧鹽虎爲山倒玉人珠還猶照魏碑碎尚
畱秦落日驚侵晝餘光悞惜春簷冰滴鷺管屋瓦
鏤魚鱗頰霽嵐光坼松暄翠粒新擁林愁拂盡着
砌恐行頻焦寢忻無患梁園去有因莫能知帝力
空此荷平均

燈

皎潔終無倦煎熬亦自求花時隨酒遠雨夜背窗
休冷暗黃茅驛暄明紫柱樓錦囊名畫掩玉局敗
棊收何處無佳夢誰人不隱憂影隨簾押轉光信
簾文流客自勝潘岳儂今定莫愁固應畱半燭迴

照下幃羞

垂柳

垂柳碧翳茸樓昏雨帶容思量成夜夢東久發春
慵梳洗憑張敞乘騎笑稚恭碧虛隨轉笠紅燭近
高春怨目明秋水愁眉淡遠峰小欄花盡蝶靜院
酒醒蛩舊作琴臺鳳今爲藥店龍寶奩拋擲久一
任景陽鍾

和孫朴韋蟾孔雀詠

此去西梁遠今來萬里攜西施因網得秦客被花
迷可在青鸚鵡非關碧野雞約眉憐翠羽刮膜想

晚唐詩鈔卷第四

文

十千詩

金篦瘴氣籠飛遠蠻花向坐低輕於趙皇后貴極
楚懸黎都護矜羅幕佳人炫繡柱屏風臨燭鈿捍
撥倚香臍舊思牽雲葉新愁待雪泥夢堪通夢寐
畫得不端倪地錦排蒼雁簾釘鏤白犀曙霞星斗
外涼月露盤西妬好休誇舞經寒且少啼紅樓三
十級穩穩上丹梯

春日寄懷

七律

世間榮落重逡巡我獨丘園坐四春縱使有花兼
有月可堪無酒又無人青袍似草年年定白髮如
絲日日新欲逐風波千萬里未知何路到龍津

卽日

一歲林花卽日休
江間亭下悵淹留
重吟細把眞無奈
已落猶開未放愁
山色正來銜小苑
春陰只欲傍高樓
金鞍忽散銀壺滴
更醉誰家白玉鈎

寫意

燕鴈迢迢隔上林
高秋望斷正長吟
人間路有潼江險
天外山惟玉壘深
日向花間畱返照
雲從城上結層陰
三年已制思鄉淚
更入新年恐不禁

杜工部蜀中離席

人生何處不離羣
世路干戈惜暫分
雪纈未歸天

晚唐詩鈔卷第四

七

十千寺烏

外使松州猶駐殿
前軍座中醉客延
醒客江上晴雲雜
雨雲美酒成都堪
送老當壚仍是卓
文君

潭州

潭州官舍暮樓空
今古無端入望中
湘淚淺深滋竹色
楚歌重疊怨蘭叢
陶公戰艦空灘雨
賈傅承塵破廟風
目斷故園人不至
松醪一醉與誰同

安定城樓

迢遞高城百尺樓
綠楊枝上盡汀洲
賈生年少虛垂淚
王粲春來更遠遊
永憶江湖歸白髮
欲迴天地入扁舟
不知腐鼠成滋味
猜憶鴛鴦竟未休

子初郊墅

看山對酒君思我聽鼓離城我訪君臘雪已添牆
下水齋鐘不散檻前雲陰移竹栢濃還淡歌襍漁
樵斷更聞亦擬村南買煙舍子孫相約事耕耘

與同年李定言曲水閒話戲作

海燕參差溝水流同君身世屬離憂相携花下非
秦贅對泣春天類楚囚碧草暗侵穿苑路珠簾不
捲枕江樓莫驚玉膝埋香骨地下傷春亦白頭

題道靖院院在中條山故王顏中丞所置
號州刺史捨官居此今寫真存焉

晚唐詩鈔卷第四

八

十干詩卷

紫府丹成化鶴羣青松手植變龍文壺中別有仙
家日頰上猶多隱士雲獨坐遺芳成故事褰帷舊
貌似元君自憐築室靈山下徒望朝嵐與夕曛

贈鄭謹處士

浪跡江湖白髮新浮雲一片是吾身寒歸山觀隨
碁局暖入汀洲逐釣輪越桂留烹張翰繪蜀薑供
煮陸機萼相逢一笑憐疎放他日扁舟有故人

留贈畏之

自注時將赴職梓潼遇韓朝
三首 內二首隨絕句中

清時無事奏明光不遣當關報早霜中禁詞臣尋
引領左川歸客自迴腸郎君下筆驚鸚鵡侍女吹

笙弄鳳凰空記大羅天上事衆仙同日詠霓裳

贈別前蔚州契苾使君

自注使君遠祖國初功臣也

何年部落到陰陵奕世勤王國史稱夜掩牙旗千
帳雪朝飛羽騎一河冰蕃兒襁負來青塚狄女壺
漿出白登日晚鷓鴣泉畔獵路人遙識郅都鷹

寄令狐學士

秘殿崔嵬拂彩霓曹司今在殿東西賡歌太液翻
黃鵠從獵陳倉獲碧雞曉飲豈知金掌迥夜吟應
訝玉繩低鈞天雖許人間聽閭闔門多夢自迷

行至金牛驛寄興元渤海尚書

唐詩鈔卷第四

九

十千詩鳥

樓上春雲水底天五雲章色破巴巖諸生箇箇王
恭桺從事人人庾杲蓮六曲屏風江雨急九枝燈
檠夜珠圓深慚走馬金牛路驟和陳思白玉篇

梓州罷吟寄同舍

不揀花朝與雪朝五年從事霍嫖姚君緣接座交
珠履我為分行近翠翹楚雨含情皆有託漳濱多
病竟無膠長吟遠下燕臺去唯有衣香染未銷

汴上送李郢之蘇州

人高詩苦帶夸門萬里梁王有舊園煙幌自應憐
白紵月樓誰伴詠黃昏露桃塗頰依苔井風柳誇

腰住水村蘇小小墳今在否紫蘭香逕與招魂

送崔珣往西川

年少因何有旅愁欲爲東下更西遊一條雪浪吼
巫峽千里火雲燒益州卜肆至今多寂寞酒壚從
古擅風流浣花牋紙桃花色好好題詩詠玉鈎

過故府中武威公交城舊莊感事

信陵亭館接郊畿幽象遙通晉水祠日落高門喧
燕雀風飄大樹撼熊羆新蒲似筆思投日芳草如
茵憶吐時山下祗今黃絹字淚痕猶隨六州兒

過伊僕射舊宅

晚唐詩鈔卷第四

十

十干寺島

朱邸方酬力戰功華筵俄歎逝波窮廻廊簷斷燕
飛出小閣塵凝人語空幽淚欲乾殘菊露餘香猶
入敗荷風何能更涉瀧江去獨立寒流弔楚宮

哭劉黃

上帝深宮閉九闈巫咸不下問衙寬廣陵別後春
濤隔滙浦書來秋雨翻只有安仁能作誅何曾宋
玉解招魂平生風義兼師友不敢同君哭寢門

聖女祠

松篁臺殿蕙香幃龍護瑤窗鳳掩扉無質易迷三
里霧不寒長著五銖衣人間定有崔羅什天上應

無劉武威寄問釵頭雙白燕每朝珠館幾時歸

重過聖女祠

白石巖扉碧蘚滋上清淪謫得歸遲一春夢雨常
飄瓦盡日靈風不滿旗萼綠華來無定所杜蘭香
去未移時玉郎會此通仙籍憶向天階問紫芝

少年

外戚平羗第一功生年二十有重封直登宣室螭
頭上橫過甘泉豹尾中別館覺來雲雨夢後門歸
去蕙蘭叢灞陵夜獵隨田竇不識寒郊自轉蓬

籌筆驛

晚唐詩抄卷第四

十一

十千詩塢

魚鳥猶疑畏簡書風雲長為護儲胥徒令上將揮
神筆終見降王走副車管樂有才真不忝關張無
命欲何如他年錦里經祠廟梁父吟成恨有餘

隋宮

紫泉宮殿鑠煙霞欲取蕪城作帝家玉璽不緣歸
日角錦帆應是到天涯於今腐草無螢火終古垂
楊有暮鴉地下若逢陳後主豈宜重問後庭花

馬嵬

海外徒聞更九州他生未卜此生休空聞虎旅鳴
宵柝無復雞人報曉籌此日六軍同駐馬當時七

夕笑牽牛如何四紀為天子不及盧家有莫愁

玉山

似為津要之力能薦士者
咏非情詞也下首意同

玉山高與閬風齊
玉水清流不貯泥
何處更求迴日馭
此中兼有上天梯
珠容百斛龍休睡
桐拂千尋鳳要栖
聞道神仙有才子
赤簫吹罷好相攜

一片

一片非煙隔九枝
蓬巒仙仗儼雲旗
天泉水暖龍吟細
露晞春多鳳舞遲
榆莢散來星斗轉
桂花尋去月輪移
人間桑海朝朝變
莫遣佳期更後期

深宮

晚唐詩鈔卷第四

二

十千

金殿銷香閉綺櫳
玉壺傳點咽銅龍
狂飈不惜羅陰薄
清露偏知桂葉濃
斑竹嶺邊無限淚
景陽宮裏及時鐘
豈知為雨為雲處
只有高唐十二峰

碧城三首

此似咏其時實主事唐初公主多自請出家與
二教人媾近商隱同時如王安尋陽平恩邵陽
永嘉永安義昌安康諸主皆先後丐為道士策觀在外史即不
言他醜於防閑復行召入頗著微辭味詩中蕭史一聯及引用
董偃水精盤故事大括已明
非止為尋恒閣寫艷也

碧城十二曲闌干
犀辟塵埃玉辟寒
閬苑有書多

附鶴女牆無樹不棲鸞

此四語甚貴舍主第即
孫壽賈夫人家未易副

星沉海底

當窗見雨過河源
隔座看若是曉珠明
又定一生長對水精盤

對影聞聲已可憐
玉池荷葉正田田
不逢蕭史休迴首
莫見洪崖又拍肩

如金仙玉真之師事道士史崇玄皆不逢蕭史而拍洪崖肩者也

紫

鳳放嬌銜楚珮
赤鱗狂舞撥湘絃
鄂君悵望舟中夜
繡被焚香獨自眠

七夕來時先有期
洞房簾箔至今垂
玉輪顧兔初生魄
鐵網珊瑚未有枝
檢與神方教駐景
收將鳳紙寫相思
武皇內傳分明在
莫道人間總不知

胡夏客曰

宋君定此詩人多未領後讀劉中山題八仙公主舊院詩武皇曾駐蹕觀問主人翁前此詩人亦未嘗諳言何疑王溪生也

春雨

悵臥新春白袷衣
白門寥落意多違
紅樓隔雨相

晚唐詩鈔卷第四

十三

十干詩集

望冷珠箔飄燈獨自歸
遠路應悲春晚晚
殘宵猶得夢依稀
玉璫緘札何由達
萬里雲羅一鴈飛

促漏

促漏遙鐘動靜聞
報章重叠杳難分
舞鸞鏡匣收殘黛
睡鴨香爐換夕曛
歸去定知還向月
夢來何處更爲雲
南塘漸暖蒲堪結
兩兩鴛鴦護水紋

錦瑟

錦瑟無端五十絃
一絃一柱思華年
莊生曉夢迷蝴蝶
望帝春心託杜鵑
滄海月明珠有淚
藍田日暖玉生煙
此情可待成追憶
祇是當時已惘然

無題

昨夜星辰昨夜風，畫樓西畔桂堂東。
身無彩鳳雙飛翼，心有靈犀一點通。
隔座送鉤春酒暖，分曹射覆蠟燈紅。
嗟余聽鼓因官去，走馬蘭臺類轉蓬。

無題

相見時難別亦難，東風無力百花殘。
春蠶到死絲方盡，蠟炬成灰淚始乾。
曉鏡但愁雲鬢改，夜吟應覺月光寒。
蓬山此去無多路，青鳥殷勤為探看。

無題二首

來是空言去絕蹤，月斜樓上五更鐘。
夢為遠別啼

晚唐詩鈔卷第四

十四

十千詩鳴

難喚書被催成墨，未濃蠟照半籠金。
翡翠麝薰微度繡，芙蓉劉郎已恨蓬山遠。
愛隔蓬山一萬重，颯颯東南細雨來。
芙蓉塘外有輕雷，金蟾鬚鏤燒香入玉虎。
牽絲汲井迴，賈氏窺簾韓掾少。
宓妃留枕魏王才，春心莫共花爭發。
一寸相思一寸灰。

無題二首

鳳尾香羅薄幾重，碧文圓頂夜深縫。
扇裁月魄羞難掩，車走雷聲語未通。
曾是寂寥金燼暗，斷無消息石榴紅。
斑騅只繫垂楊岸，何處西南待好風。
重幃深下莫愁堂，卧後清宵細細長。
神女生涯元

是夢小姑居處本無郎風波不信菱枝弱月露誰
教桂葉香直道相思了無益未妨惆悵是清狂

正月崇讓宅

崇讓宅是其妻家而詩似
私有所待豈侍婢流歎

密鎖重關掩綠苔廊深閣迥此徘徊先知風起月
含暈尚自露寒花未開蝙蝠拂簾旌終展轉鼠翻窗
網小驚猜背燈獨共餘香語不覺猶歌夜起來

水天閒話舊事

一作
楚宮

月姊曾逢下彩蟾傾城消息隔重簾已聞珮響知
腰細更辨絃聲覺指纖暮雨自歸山峭峭秋河不
動夜厭厭王昌且在牆東住未必金堂得免嫌

晚唐詩鈔卷第四

十五

十千

10x52

晚唐詩鈔卷第四

